

Siunnersuut uunga: Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaannik allannguneq pillugu Inatsisartut inatsisaat nr. xx , xx xx 2012-imeersoq
(naatsorsuutit pillugit aalajangersakkanik erseqqissaat il.il.)

§ 1

Inuutissarsiutinik ilinniartitsinerit aamma inuutissarsiutinik ilinniartitsinerup iluani pikkorissaanerit pillugit uku allanngortinneqarput:

1. § 27-mi *imm. 5-tut* ikkuneqassaq:

”*Imm. 5.* Naalakkersuisut soraarummeernerit aamma misilitsinnerit pillugit malittarisasaliorsinaapput, taakkununga ilaatigut ilanngullugit suliaasiissutinik suliaqarneq, naliliinerit, soraarummeersitsinerit, soraarummeertut kikkunernerinik aalajangiinerit, tamanut ammasuutitsinissaq, karakterit taakkulu soraarummerni angusani oqimaaqatigiissinnerat, soraarummeernermit nalunaarneq, soraarummeermut peqataassagaanni piumasaqaatit, soraarummeernissamut peqataasinnaannginneq, soraarummernissamut pilersaarusionerit, ikiuutissanik atortoqarneq, napparsimalluni soraarummeerneq, soraarummeeqqinnerit, soraarummeernermit peersitaanerit, maalaaruteqarneq imaluunniit maalaaruteqarnissamut piffissaliussat pillugit aalajangersakkat.”

2. § 42, ima oqaasertaqassaaq:

”§ 42. Qitiusumik ilinniarfiit ukioq naatsorsuiffik naatsorsuusiorfigaat. Qitiusumik ilinniarfiit Namminersorlutik Oqartussat missingersuutit, naatsorsuusionerit aamma naatsorsuutinik saqqummiinerit pillugit aalajangersagaat qaqukkulluunniit atuuttut malittarissavaat.

Imm. 2. Ingerlatsinermut naatsorsuutini aningaasanut inatsimmit aningaasaliissutinik atuinerit immikkut naatsorsorneqartassapput.

Imm. 3. Ingerlatsinermut naatsorsuutit imarissavaat qitiusumik ilinniarfiup ilinniartitsinerimut aamma ingerlatsinernut allanut immikkut naatsorsuutai, tamatumunnga ilanngullugit ingerlatsinerit allat suussusii malillugit immikkut naatsorsuutit.

Imm. 4. Ilinniarfiup ilinniartitsinerimut ingerlassanullu allanut naatsorsuutaasa avissaartineqarnissat pillugu Naalakkersuisut malittarisassanik aalajangersaasinnaapput.

Imm. 5. Qitiusumik ilinniarfiit aningaasat aningaasanut inatsisimmi annertussusilerneqartut iluanni, ilinniarfiup ingerlanneqarnerani sinneqartoorutaajunnartut amigartoorutaajunnartuluunniit ukiumut aningaasaliiffiusumut tullermut nuussinnaavaat.

Imm. 6. Ingerlatsinermut naatsorsuutit Namminersorlutik Oqartussat kukkunerisuiusunit kukkunerisiorneqassapput.

Imm. 7. Naalakkersuisut piffissaliussatut aalajangiussaata nallertinnagu ingerlatsinermut naatsorsuutit siulersuisunit akuersissutigineqareersimasut kukkunerisuiunermit oqaaseqaati-taallit, siulersuisut Naalakkersuisunut akuersissanngorlugit saqqummiutissavaat.

Imm. 8. Siulersuisut ingerlatsinermut naatsorsuutit saqqummiunnerisa ilutigisaannik naatsorsuutit tamanut saqqumiutissavaat.”

17. februar 2012

UPA 2012/32

3. § 44-mi imm. 3-tut inissinneqassaaq:

”Imm. 3: Naalackersuisut suliamik ilisimasalittut ingerlatsiffimmit inassuteqartoqareerneratigut, suliffeqarfiit ilinniakkanut inuutissarsiutinik imaluunniit qitiusumik ilinniarfimmumut atuumannigitsut sungiusarluni suliffissatut akuerisinnaavaat”.

4. § 45-mi ”§ 44”-p kingornatigut inissinneqassaaq: imm. 1.

§ 2

Inatsisartut inatsisaat atuutilissaaq 1. januar 2013.

Namminersorlutik Oqartussat, ulloq xx.xx. 2012

Kuupik Kleist

/